

Odluka o imenovanju međunarodnog člana Visokog sudskog i tužilačkog vijeća Bosne i Hercegovine

Koristeći se ovlaštenjima koja su visokom predstavniku data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem visoki predstavnik “pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela Mirovnog ugovora”;

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim “donošenjem obavezujućih odluka, kada ocijeni da je to neophodno”, o određenim pitanjima, uključujući i (prema tački (c) stava XI.2) “mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta”;

Uvjeran u vitalni značaj koji za Bosnu i Hercegovinu ima nastojanje da se ojača i slijedi vladavina zakona kako bi se stvorila osnova za privredni rast i strane investicije;

Uz uvažavanje stava I.2.a Zaključaka donesenih na navedenoj

konferenciji u Bonu kojim je potvrđeno “da je nepristrasno i nezavisno pravosuđe” od “suštinskog značaja za vladavinu prava i pomirenje u Bosni i Hercegovini”, da proces imenovanja sudija i tužilaca mora biti zasnovan na sposobnostima, da se mora uspostaviti institucija za edukaciju sudija i tužilaca, te da je kontrola pravosudnog sistema element od suštinskog značaja za taj proces;

Pozivajući se na kominike Upravnog odbora Vijeća za implementaciju mira od 28. februara 2002. godine, u kojem Upravni odbor podržava pooštrenu strategiju reforme pravosuđa Nezavisne pravosudne komisije za 2002/03. godinu, kao i uvažavajući, između ostalog, značaj uspostavljanja Visokog sudskog vijeća za BiH i reorganizacije sudova, a što se dalje ponavlja u kominikeu od 7. maja 2002. godine;

Pozdravljajući postizanje sporazuma između entiteta o prenošenju određenih odgovornosti koje se odnose na pravosuđe na nivo Bosne i Hercegovine, kojim se omogućava uspostavljanje jednog Visokog sudskog i tužilačkog vijeća na nivou Bosne i Hercegovine;

Imajući u vidu da je zakon o jednom Visokom sudskom i tužilačkom vijeću na nivou Bosne i Hercegovine stupio na snagu 1. juna 2004. godine i da je neophodno osigurati nesmetanu transformaciju u novoosnovano Vijeće, te takođe garantovati kontinuiran rad, nastavak članstva, kontinuirano prisustvo međunarodnih članova, geografsku zastupljenost i ravnomjernu nacionalnu zastupljenost i zastupljenost spolova.;

Pozivajući se na raniju Odluku visokog predstavnika od 3. juna 2004. godine o imenovanju članova i savjetnika Visokog sudskog i tužilačkog vijeća Bosne i Hercegovine, objavljenu u «Službenom glasniku Bosne i Hercegovine», br. 28/04;

Imajući na umu zaključak Visokog sudskog i tužilačkog vijeća donesen na sjednici u februaru 2005. godine da međunarodni članovi Vijeća trebaju i dalje davati značajan doprinos radu

Vijeća i da učešće međunarodnih članova izuzetno povoljno djeluje na stvaranje profesionalnog radnog okruženja, naročito u sadašnjem periodu pojačanih aktivnosti vezanih za reforme u pravosuđu u Bosni i Hercegovini;

Konstatirajući preporuku da se poveća broj međunarodnih članova u Visokom sudskom i tužilačkom vijeću, a naročito preporuku predsjednika Visokog sudskog i tužilačkog vijeća Bosne i Hercegovine za imenovanje g-đe Lynn Sheehan na mandat u trajanju od 1. februara 2006. do 31. decembra 2007. godine;

Visoki predstavnik donosi sljedeću

ODLUKU

o imenovanju međunarodnog člana Visokog sudskog i tužilačkog vijeća Bosne i Hercegovine

Član 1.

(1) Imenuje se g-đa Lynn Sheehan, advokat iz Irske, za međunarodnog člana Visokog sudskog i tužilačkog vijeća Bosne i Hercegovine (u daljem tekstu: Vijeće) na mandat u trajanju do 31. decembra 2007. godine.

(3) Osim dužnosti koje ima kao član Vijeća, g-đa Lynn Sheehan će nastaviti da radi kao savjetnik Sekretarijata Vijeća.

Član 2.

Ova odluka stupa na snagu odmah i objavljuje se u "Službenom glasniku Bosne i Hercegovine".

Sarajevo, 26. januar 2006.

Paddy Ashdown

Visoki predstavnik